

আবোল তাবোল

সুকুমার রায়



ଜାଦିକ ଜାଦିକ

ସୁକୁମାର ବାସ



সূচীপত্র

১ আবোল তাবোল	বুঝিয়ে বলা ২৮
২ খিচুড়ি	হঁকো মুখো হ্যাংলা ৩০
৩ কাঠ বুড়ো	একুশে আইন ৩২
৪ গোঁফ চুরি	দাঁড়ে দাঁড়ে দ্রুম! ৩৩
৬ সংপাত্র	গল্প বলা ৩৪
৭ গানের গুঁতো	নারদ! নারদ! ৩৫
৮ খুঁড়োর কল	কি মুস্কিল! ৩৬
১০ লড়াই ক্ষাপা	ডানপিটে ৩৭
১১ সাবধান	আহুদী ৩৮
১২ ছায়াবাজী	রামগরুড়ের ছানা ৩৯
১৪ কুমড়োপটাশ	ভূতুড়ে খেলা ৪০
১৬ প্যাঁচা আর প্যাঁচানী	হাত গণনা ৪২
১৭ কাতুকুতু	গন্ধ বিচার ৪৪
১৮ বুড়ীর বাড়ী	ছলোর গান ৪৬
১৯ হাতুড়ে	কাঁদুনে ৪৭
২০ কিভূত	ভয় পেয়োনা ৪৮
২১ চোর ধরা	ট্যাশ গরু ৪৯
২২ ভাল রে ভাল	নোট বই ৫০
২২ অবাক কাণ্ড	ঠিকানা ৫১
২৩ বাবুরাম সাপুড়ে	পালোয়ান ৫২
২৪ বোম্বাগড়ের রাজা	বিজ্ঞান শিক্ষা ৫৪
২৫ শব্দকল্পদ্রুম!	ফস্কে গেল! ৫৫
২৬ নেড়া বেলতলায় যায় কবার?	আবোল তাবোল ৫৬



আয়রে ভোলা খেয়াল খোলা
স্বপনদোলা নাচিয়ে আয়,
আয়রে পাগল আবোল তাবোল
মত্ত মাদল বাজিয়ে আয় ।
আয় যেখানে ক্ষ্যাপার গানে
নাইকো মানে নাইকো সুর,
আয়রে যেথায় উধাও হাওয়ায়
মন ভেসে যায় কোন্ সুদূর ।
আয় ক্ষ্যাপা-মন ঘুচিয়ে বাঁধন
জাগিয়ে নাচন তাধিন্ ধিন্,
আয় বেয়াড়া সৃষ্টিছাড়া
নিয়মহারা হিসাব-হীন ।
আজগুবী চাল বেঠিক বেতাল
মাতবি মাতাল রঙ্গেতে,
আয়রে তবে ভুলের ভবে
অসম্ভবের ছন্দেতে ॥

মুচুড়ি

হাঁস ছিল, সজারুও, (ব্যাকরণ মানি না),
হয়ে গেল 'হাঁসজারু' কেমনে তা জানি না ।
বক কহে কচ্ছপে “বাহবা কি ফুটি !
অতি খাসা আমাদের ‘বকচ্ছপ মূর্তি ।’
টিয়ামুখো গিরগিটি মনে ভারি শঙ্কা—
পোকা ছেড়ে শেষে কিগো খাবে কাঁচা লঙ্কা ?
ছাগলের পেটে ছিল না জানি কি ফন্দি,
চাপিল বিছার ঘাড়ে ; ধড়ে মুড়ো সন্ধি !
জিরাফের সাধ নাই মাঠে-ঘাটে ঘুরিতে,
ফড়িঙের ঢং ধরি সেও চায় উড়িতে ।
গরু বলে, “আমারেও ধরিল কি ও রোগে ?
মোর পিছে লাগে কেন হতভাগা মোরগে ?”
‘হাতিমি’র দশা দেখ—তিমি ভাবে জলে যাই,
হাতি বলে, “এই বেলা জঙ্গলে চল ভাই ।”
সিংহের শিং নেই, এই তার কষ্ট—
হরিণের সাথে মিলে শিং হল পষ্ট ।



পষ্ট,
।
ঠ শান্ত,
জ্যাস্ত ।
সত্য,
কে গর্ত ।”


টেকো মাথা তেতে ওঠে গায়ে ছোট্ট ঘর্ম,
রেগে বলে, “কেবা বোঝে এ সবের মর্ম ?
আরে মোলো, গাধাগুলো একেবারে অন্ধ,
বোঝোনাকো কোনো কিছু খালি করে দ্বন্দ্ব ।
কোন্ কাঠে কত রস জানে নাকো তত্ত্ব,
একাদশী রাতে কেন কাঠে হয় গর্ত ?”

কাঠকুটো ঘেঁটেঘুটে জানি আমি
এ কাঠের বজ্জাতি কিসে হয় নষ্ট
কোন্ কাঠ পোষ মানে, কোন্ কাঠ
কোন্ কাঠ টিম্টিমে, কোন্ কাঠ বা
কোন্ কাঠে জ্ঞান নাই, মিথ্যা কি
আমি জানি কোন্ কাঠে কেন থা

গোঁফ চুরি



হেড অফিসের বড়বাবু লোকটি বড় শান্ত,
তার যে এমন মাথার ব্যামো কেউ কখনো জানত ?
দিব্যি ছিলেন খোসমেজাজে চেয়ারখানি চেপে,
একলা বসে ঝিমঝিমিয়ে হঠাৎ গেলেন ক্ষেপে ।
আঁকে উঠে হাত পা ছুঁড়ে চোখটি ক'রে গোল,
হঠাৎ বলেন, “গেলুম গেলুম, আমায় ধ'রে তোল !”
তাই শুনে কেউ বদ্যি ডাকে, কেউবা হাঁকে পুলিশ,
কেউবা বলে, “কামড়ে দেবে সাবধানেতে তুলিস ।”
ব্যস্ত সবাই এদিক ওদিক করছে ঘোরাঘুরি,
বাবু হাঁকেন, “ওরে আমার গোঁফ গিয়েছে চুরি !”
গোঁফ হারানো ! আজব কথা ! তাও কি হয় সত্যি ?
গোঁফ জোড়া তো তেমনি আছে, কমেনি এক রত্তি ।
সবাই তাঁকে বুঝিয়ে বলে, সামনে ধরে আয়না,
মোটেও গোঁফ হয়নি চুরি, কক্ষণো তা হয় না ।



রেগে আগুন, তেলে বেগুন, তেড়ে বলেন তিনি,
“কারো কথার ধার ধারিনে, সব ব্যাটাকেই চিনি ।
নোংরা ছাঁটা খ্যাংরা ঝাঁটা বিচ্ছিরি আর ময়লা,
এমন গৌফ তো রাখত জানি শ্যামবাবুদের গয়লা ।
এ গৌফ যদি আমার বলিস করব তোদের জবাই”—
এই না বলে জরিমানা কল্লেন তিনি সবায় ।
ভীষণ রেগে বিষম খেয়ে দিলেন লিখে খাতায়,
“কাউকে বেশি লাই দিতে নেই, সবাই চড়ে মাথায় ।
আফিসের এই বাঁদরগুলো, মাথায় খালি গোবর,
গৌফ জোড়া যে কোথায় গেল কেউ রাখে না খবর ।
ইচ্ছে করে এই ব্যাটাদের গৌফ ধরে খুব নাচি,
মুখ্যগুলোর মুণ্ডু ধরে কোদাল দিয়ে চাঁচি ।
গৌফকে বলে তোমার আমার—গৌফ কি কারো কেনা ?
গৌফের আমি গৌফের তুমি, তাই দিয়ে যায় চেনা ।”

শুনতে পেলাম পোস্তা গিয়ে—
 তোমার নাকি মেয়ের বিয়ে ?
 গঙ্গারামকে পাত্র পেলে ?
 জানতে চাও সে কেমন ছেলে ?
 মন্দ নয় সে পাত্র ভালো
 রঙ যদিও বেজায় কালো ;
 তার উপরে মুখের গঠন
 অনেকটা ঠিক পেঁচার মতন ;
 বিদ্যে বুদ্ধি ? বলছি মশাই—
 ধন্য ছেলের অধ্যবসায় !
 উনিশটিবার ম্যাট্রিকে সে
 ঘায়েল হয়ে থামল শেষে ।
 বিষয় আশয় ? গরীব বেজায়—
 কষ্টে-সৃষ্টে দিন চলে যায় !



মানুষ তো নয় ভাইগুলো তার—
 একটা পাগল একটা গোয়ার ;
 আরেকটি সে তৈরি ছেলে,
 জাল করে নোট গেছেন জেলে ।
 কনিষ্ঠটি তবলা বাজায়,
 যাত্রাদলে পাঁচ টাকা পায় ।
 গঙ্গারাম তো কেবল ভোগে
 পিলের জ্বর আর পাণ্ডু রোগে ।
 কিন্তু তারা উচ্চ ঘর,
 কংসরাজের বংশধর !
 শ্যাম লাহিড়ী বনগ্রামের
 কি যেন হয় গঙ্গারামের ।—
 যাহোক, এবার পাত্র পেলে,
 এমন কি আর মন্দ ছেলে ?

ক্ষুদ্র

আবহুতা

গান জুড়েছেন গ্রীষ্মকালে ভীষ্মলোচন শর্মা ।
আওয়াজখানা দিচ্ছে হানা দিল্লী থেকে বর্মা !
গাইছে ছেড়ে প্রাণের মায়া, গাইছে তেড়ে প্রাণপণ,
ছুটছে লোকে চারদিকেতে ঘুরছে মাথা ভন্ডন্ ।
মরছে কত জখম হয়ে করছে কত ছটফট—
বলছে হেঁকে, “প্রাণটা গেল, গানটা থামাও ঝটপট ।”
বাঁধন-ছেঁড়া-মহিষ ঘোড়া পথের ধারে চিৎপাত ;
ভীষ্মলোচন গাইছে তেড়ে নাইকো তাহে দৃকপাত ।
চার পা তুলি জন্তুগুলি পড়ছে, বেগে মূছায়,
লাঙ্গুল খাড়া পাগল পারা বলছে রেগে “দূর ছাই !”
জলের প্রাণী অবাক মানি গভীর জলে চুপচাপ,
গাছের বংশ হচ্ছে ধবংস পড়ছে দেদার ঝুপঝাপ ।
শূন্য মাঝে ঘূর্ণি লেগে ডিগবাজি খায় পক্ষী,
সবাই হাঁকে, “আর না দাদা, গানটা থামাও লক্ষ্মী ।”
গানের দাপে আকাশ কাঁপে দালান ফাটে বিলকুল,
ভীষ্মলোচন গাইছে ভীষণ খোশমেজাজে দিল্ খুল্ ।
এক যে ছিল পাগলা ছাগল, এমনি সেটা ওস্তাদ,
গানের তালে শিং বাগিয়ে মারলে গুঁতো পশ্চাৎ ।
আর কোথা যায় একটি কথায় গানের মাথায় ডাঙা,
‘বাপরে’ বলে ভীষ্মলোচন একেবারে ঠাঙা ।



খুড়োর কল

কল করেছেন আজব রকম চণ্ডীদাসের খুড়ো—
সবাই শুনে সাবাস্ বলে পাড়ার ছেলে বুড়ো ।
খুড়োর যখন অল্প বয়স—বছর খানেক হবে—
উঠল কেঁদে ‘গুংগা’ বলে ভীষণ অটুরবে ।
আর তো সবাই ‘মামা’ ‘গাগা’ আবোল তাবোল বকে,
খুড়োর মুখে ‘গুংগা’ শুনে চম্কে গেল লোকে ।
বল্লে সবাই, “এই ছেলেটা বাঁচলে পরে তবে,
বুদ্ধি জোরে এ সংসারে একটা কিছু হবে ।’
সেই খুড়ো আজ কল করেছেন আপন বুদ্ধি-বলে,
পাঁচ ঘণ্টার রাস্তা যাবেন দেড় ঘণ্টায় চলে ।
দেখে এলাম কলটি অতি সহজ এবং সোজা,
ঘণ্টা পাঁচেক ঘাঁটলে পরে আপনি যাবে বোঝা ।
বলব কি আর কলের ফিকির, বলতে না পাই ভাষা,
ঘাড়ের সঙ্গে যন্ত্র জুড়ে একেবারে খাসা ।





সামনে তাহার খাদ্য ঝোলে যার যে-রকম রুচি—
মণ্ডা মিঠাই চপ্ কাট্লেট্ খাজা কিংবা লুচি ।
মন বলে তায় ‘খাব খাব’, মুখ চলে তায় খেতে;
মুখের সঙ্গে খাবার ছোট্টে পাল্লা দিয়ে মেতে ।
এমনি করে লোভের টানে খাবার পানে চেয়ে,
উৎসাহেতে হুঁস্ রবে না চলবে কেবল ধেয়ে ।
হেসে খেলে দু-দশ যোজন চলবে বিনা ক্লেশে,
খাবার গন্ধে পাগল হয়ে জিভের জলে ভেসে ।
সংবাই বলে সমস্বরে ছেলে জোয়ান বুড়ো,
অতুল কীর্তি রাখল ভবে চণ্ডীদাসের খুড়ো ।

জেগাই ফ্যালা

অই আমাদের পাগলা জগাই, নিত্য হেথায় আসে ;
আপন মনে গুনগুনিয়ে মুচকি-হাসি হাসে ।
চলতে গিয়ে হঠাৎ যেন থমক লেগে থামে,
তড়াক করে লাফ দিয়ে যায় ডাইনে থেকে বামে ।
ভীষণ রোখে হাত গুটিয়ে সামলে নিয়ে কোঁচা,
‘এইয়ো’ বলে ক্ষ্যাপার মতো শূন্যে মারে খোঁচা,
চৌচিয়ে বলে, “ফাঁদ পেতেছ ? জগাই কি তায় পড়ে ?
সাত-জার্মান, জগাই একা, তবুও জগাই লড়ে ।”
উৎসাহেতে গরম হয়ে তিড়িং-বিড়িং নাচে,
কখনও যায় সামনে তেড়ে, কখনও যায় পাছে ।
এলোপাতাড়ি ছাতার বাড়ি ধুপুস্ ধাপুস্ কতো !
চক্ষু বুজে কায়দা খেলায় চর্কিবাজির মতো ।
লাফের চোটে হাঁপিয়ে ওঠে গায়েতে ঘাম ঝরে,
দুড়ুম করে মাটির পরে লম্বা হয়ে পড়ে ।
হাত পা ছুঁড়ে চৌচায় খালি চোখটি করে ঘোলা,
“জগাই মোলো হঠাৎ খেয়ে কামানের এক গোলা !”
এই না বলে মিনিট খানেক ছটফটিয়ে খুব,
মড়ার মতো শক্ত হ’য়ে একেবারে চুপ !
তার পরেতে সটান বসে চুলকে খানিক মাথা,
পকেট থেকে বার করে তার হিসেব লেখার খাতা ।
লিখলো তাতে—“শোনরে জগাই, ভীষণ লড়াই হলো,
পাঁচ ব্যাটাকে খতম করে জগাইদাদা মোলো ।”



আরে আরে, ওকি কর প্যালারাম বিশ্বাস ?
 ফোঁস্ ফোঁস্ অত জোরে ফেলোনাকো নিশ্বাস ।
 জানো নাকি সে-বছর ও-পাড়ার ভূতানাথ,
 নিশ্বাস নিতে গিয়ে হয়েছিল কুপোকাত ?
 হাঁফ ছাড় হ্যাসফ্যাস ও-রকম হাঁ করে—
 মুখে যদি ঢুকে বসে পোকা মাছি মাকড়ে ?
 বিপিনের খুড়ো হয় বুড়ো সেই হল রায়,
 মাছি খেয়ে পাঁচমাস ভুগেছিল কলেরায় ।
 তাই বলি—সাবধান ! করোনাকো ধুপ্ধাপ,
 টিপি টিপি পায় পায় চলে যাও চুপ্চাপ ।
 চেয়োনাকো আগে পিছে, যেয়োনাকো ডাইনে
 সাবধানে বাঁচে লোকে—এই লেখে আইনে ।
 পড়েছ তো কথামালা ? কে যেন সে কি করে
 পথে যেতে পড়ে গেল পাতকোর ভিতরে ?
 ভাল কথা—আর যেন সকালে কি দুপুরে,
 নেয়োনাকো কোনোদিন ঘোষেদের পুকুরে ;
 একরকম মোটা দেহে কি যে হবে কোন দিন,
 কথাটাকে ভেবে দেখ কি-রকম সঙ্গিন ।




সবিত্ত

চটো কেন ? হয় নয় কেবা জানে পষ্ট,
 যদি কিছু হয়ে পড়ে পাবে শেষে কষ্ট ।
 মিছিমিছি ঘ্যান্ঘ্যান্ কেন কর তরু ;
 শিখেছ জ্যাঠামো খালি, ইঁচড়েতে পুরু ।
 মানবে না কোনো কথা চলা ফেরা আহারে,
 একদিন টের পাবে ঠেলা কয় কাহারে ।
 রমেশের মেজমামা সেও ছিল সেয়ানা,
 যত বলি ভালো কথা কানে কিছু নেয় না ;
 শেষকালে একদিন চান্নির বাজারে
 পড়ে গেল গাড়ি চাপা রাস্তার মাঝারে !

ছায়াবাজী

আজগুবী নয়, আজগুবী নয়, সত্যিকারের কথা—
ছায়ার সাথে কুস্তি করে গাত্রে হল ব্যথা ।
ছায়া ধরার ব্যবসা করি তাও জানানো বুঝি ?
রোদের ছায়া, চাঁদের ছায়া, হরেক রকম পুঁজি ।
শিশির ভেজা সদ্য ছায়া, সকাল বেলায় তাজা,
গ্রীষ্মকালে শুকনো ছায়া ভীষণ রোদে ভাজা ।
চিলগুলো যায় দুপুরবেলায় আকাশ পথে ঘুরে,
ফাঁদ ফেলে তার ছায়ার উপর খাঁচায় রাখি পুরে ।
কাগের ছায়া বগের ছায়া দেখছি কত ঘেঁটে,
হাল্কা মেঘের পানসে ছায়া তাও দেখেছি চেটে ।
কেউ জানে না এ-সব কথা কেউ বোঝে না কিছু,
কেউ ঘোরে না আমার মতো ছায়ার পিছুপিছু ।
তোমরা ভাব গাছের ছায়া অমনি লুটায় ভুঁয়ে,
অমনি শুধু ঘুমায় বুঝি শান্ত মতন শুয়ে ;
আসল ব্যাপার জানবে যদি আমার কথা শোনো,
বলছি যা তা সত্যি কথা, সন্দেহ নাই কোনো ।
কেউ যবে তার রয়না কাছে, দেখতে নাহি পায়,
গাছের ছায়া ছটফটিয়ে এদিক ওদিক চায় ।
সেই সময়ে গুড়গুড়িয়ে পিছন হতে এসে
ধামায় চেপে ধপাস করে ধরবে তারে ঠেসে ।
পাতলা ছায়া, ফোকলা ছায়া, ছায়া গভীর কালো—
গাছের চেয়ে গাছের ছায়া সব রকমেই ভালো ।



গাছ গাছালি শেকড় বাকল মিথ্যে সবাই গেলে,
বাপ্রে বলে পালায় ব্যামো ছায়ার ওষুধ খেলে ।
নিমের ছায়া ঝিঙের ছায়া তিক্ত ছায়ার পাক,
যেই খাবে ভাই অঘোর ঘূমে ডাকবে তাহার নাক ।
চাঁদের আলোয় পৈপের ছায়া ধরতে যদি পারো,
শুকলে পরে সর্দিকাশি থাকবে না আর কারো ।
আমড়া গাছের নোংরা ছায়া কামড়ে যদি খায়,
ল্যাংড়া লোকের ঠ্যাং গজাবে সন্দেহ নাই তায় ।
আষাঢ় মাসের বাদলা দিনে বাঁচতে যদি চাও,
তৈতুল তলার তপ্ত ছায়া হপ্তা তিনেক খাও ।
মৌয়া গাছের মিষ্টি ছায়া ‘ব্লটিং’ দিয়ে শুষে,
ধুয়ে মুছে সাবধানেতে রাখছি ঘরে পুষে ।
পাক্কা নতুন টাটকা ওষুধ একেবারে দিশি—
দাম করেছি সস্তা বড়, চোদ আনা শিশি ।

কুমড়োপটাস

(যদি) কুমড়োপটাস নাচে—

খবরদার এসো না কেউ আস্তাবলের কাছে ;
চাইবে নাকো ডাইনে বাঁয়ে চাইবে নাকো পাছে ।
চার পা তুলে থাকবে ঝুলে হটমূলার গাছে ।

(যদি) কুমড়োপটাস কাঁদে—

খবরদার ! খবরদার ! বসবে না কেউ ছাদে ;
উপুড় হয়ে মাচায় শুয়ে লেপ কস্বল কাঁধে,
বেহাগ সুরে গাইবে খালি ‘রাধে কৃষ্ণ রাধে !’

(যদি) কুমড়োপটাস হাসে—

থাকবে খাড়া একটি ঠ্যাঙে রান্নাঘরের পাশে ;
ঝাপসা গলায় ফার্সি কবে নিশ্বাসে ফিস্ফাসে ;
তিনটি বেলা উপোস করে থাকবে শুয়ে ঘাসে !





(যদি) কুম্ভোপটাশ ছোটে—

সবাই যেন তড়বড়িয়ে জানলা বেয়ে ওঠে ;

হুকোর জলে আলতা গুলে লাগায় গালে ঠোটে ;

ভুলেও যেন আকাশ পানে তাকায় না কেউ মোটে !

(যদি) কুম্ভোপটাশ ডাকে—

সবাই যেন শ্যামলা ঐটে গামলা চড়ে থাকে ;

ছেঁচকি শাকের ঘন্ট বেটে মাথায় মলম মাখে ;

শক্ত ইটের তপ্ত ঝামা ঘষতে থাকে নাকে ।

তুচ্ছ ভেবে এ-সব কথা করছে যারা হেলা,

কুম্ভোপটাশ জানতে পেলে বুঝবে তখন ঠেলা ।

দেখবে তখন কোন্ কথাটি কেমন করে ফলে,

আমায় তখন দোষ দিও না, আগেই রাখি বলে ।

প্যাঁচা কয় প্যাঁচানী,
 খাসা তোর ট্যাঁচানি,
 শুনে শুনে আনমন
 নাচে মোর প্রাণমন !
 মাজা-গলা টাঁচা সুর
 আহ্লাদে ভরপুর !
 গলা-চেরা ধমকে
 গাছ পালা চমকে,
 সুরে সুরে কত প্যাঁচ
 গিটকিরি ক্যাঁচ্ ক্যাঁচ্ !
 যত ভয় যত দুখ
 দুরু দুরু ধুক্ ধুক্,
 তোর গানে পেঁচি রে
 সব ভুলে গেছি রে,
 চাঁদমুখে মিঠে গান
 শুনে ঝরে দু'নয়ান ।

ট্যাঁচা ট্যাঁচানী




কাতকুত বুড়ো

আর যেখানে যাও না রে ভাই সপ্তসাগর পার,
কাতুকুত বুড়োর কাছে যেও না খবরদার !
সর্বনেশে বৃদ্ধ সে ভাই যেও না তার বাড়ী—
কাতুকুতুর কুলপি খেয়ে ছিড়বে পেটের নাড়ী ।
কোথায় বাড়ী কেউ জানে না, কোন্ সড়কের মোড়ে
একলা পেলো জোর ক'রে ভাই গল্প শোনায় প'ড়ে ।
বিদ্যুটে তার গল্পগুলো না জানি কোন্ দেশী,
শুনলে পরে হাসির চেয়ে কান্না আসে বেশি ।
না আছে তার মুণ্ডু মাথা, না আছে তার মানে,
তবুও তোমায় হাসতে হবে তাকিয়ে বুড়োর পানে ।
কেবল যদি গল্প বলে তাও থাকা যায় সয়ে,
গায়ের উপর সুড়সুড়ি দেয় লম্বা পালক লয়ে ।
কেবল বলে, “হোঃ হোঃ হোঃ, কেষ্টদাসের পিসি—
বেচ্চ খালি কুমড়ো কচু হাঁসের ডিম আর তিসি ।
ডিমগুলো সব লম্বা মতন, কুমড়োগুলো বাঁকা,
কচুর গায়ে রঙ-বেরঙের আল্পনা সব আঁকা ।
অষ্ট প্রহর গাইত পিসি আওয়াজ ক'রে মিহি,
ম্যাও ম্যাও ম্যাও বাকুম বাকুম ভৌ ভৌ ভৌ চাঁহি ।”
এই না বলে কুটুং ক'রে চিমটি কাটে ঘাড়ে,
খ্যাংরা মতন আঙুল দিয়ে খোঁচায় পাঁজর হাড়ে ।
তোমায় দিয়ে সুড়সুড়ি সে আপনি লুটোপুটি,
যতক্ষণ না হাসবে তোমার কিচ্ছুতে নাই ছুটি ।



বুড়ীর বাড়ী

গালভরা হাসিমুখে চালভাজা মুড়ি,
ঝুরঝুরে প'ড়ো ঘরে থুরথুরে বুড়ী ।
কাঁথাভরা ঝুলকালি, মাথাভরা ধুলো,
মিটমিটে ঘোলা চোখ, পিঠখানা কুলো ।
কাঁটা দিয়ে আঁটা ঘর—আঠা দিয়ে সঁটে
সূতো দিয়ে বেঁধে রাখে থুতু দিয়ে চেটে ।
ভর দিতে ভয় হয় ঘর বুঝি পড়ে,
থক্ থক্ কাশি দিলে ঠক্ ঠক্ নড়ে ।
ডাকে যদি ফিরিওয়ালা, হাঁকে যদি গাড়ী,
খসে পড়ে কড়িকাঠ ধসে পড়ে বাড়ী ।
বাঁকাচোরা ঘরদোর ফাঁকা ফাঁকা কত,
ঝাঁট দিলে ঝ'রে পড়ে কাঠকুটো যত ।
ছাদগুলো ঝুলে পড়ে বাদলায় ভিজে,
একা বুড়ী কাঠি গুঁজে ঠেকা দেয় নিজে
মেরামত দিনরাত কেরামত ভারি,
থুরথুরে বুড়ী তার ঝুরঝুরে বাড়ী ॥



কহ ভাই কহ রে, অঁাকা চোরা শহরে,
বদ্যিরা কেন কেউ আলুভাতে খায় না ?
লেখা আছে কাগজে আলু খেলে মগজে,
ঘিলু যায় ভেস্তিয়ে বুদ্ধি গজায় না !

শুনেছ কি ব'লে গেল সীতানাথ বন্দ্যো ?
আকাশের গায়ে নাকি টক্‌টক্‌ গন্ধ ?
টক্‌টক্‌ থাকে নাকো হ'লে পরে বৃষ্টি ।—
তখন দেখেছি চেটে একেবারে মিষ্টি ।




একবার দেখে যাও ডাক্তারি কেরামৎ—
কাটা ছেঁড়া ভাঙা চেরা চটপট মেরামৎ ।
কয়েছেন গুরু মোর, “শোন শোন বৎস,
কাগজের রোগী কেটে আগে কর মক্স ।”
উৎসাহে কি না হয় ? কি না হয় চেষ্টায় ?
অভ্যাসে চটপট হাত পাকে শেষটায় ।
খেটে খুটে জল হ’ল শরীরের রক্ত,
শিখে দেখি বিদ্যেটা নয় কিছু শক্ত ।
কাটা ছেঁড়া ঠুকঠাক, কত দেখ যন্ত্র,
ভেঙে চুরে জুড়ে দেই তারও জানি মন্ত্র ।
চোখ বুজে চটপট বড় বড় মূর্তি,
যত কাটি ঘ্যাস্ ঘ্যাস্ তত বাড়ে ফুর্তি ।
ঠ্যাং-কাটা গলা-কাটা কত কাটা হস্ত,
শিরিষের আঠা দিয়ে জুড়ে দেই চোস্ত ।
এইবারে বলি তাই, রোগী চাই জ্যান্ত—
ওরে ভোলা, গোটাছয় রোগী ধরে আন্ত !

গেঁটেবাতে ভুগে মরে ও-পাড়ার নন্দী,
কিছুতেই সারাবে না এই তার ফন্দি—
একদিন এনে তারে এইখানে ভুলিয়ে,
গেঁটেবাত ঘেঁটে-ঘুটে সব দেব ঘুলিয়ে ।
কার কানে কটকট কার নাকে সর্দি,
এস, এস, ভয় কিসে ? আমি আছি বদ্যি ।
শুয়ে করে ? ঠ্যাং-ভাঙা ? ধ’রে আন এথেনে,
স্ক্রুপ দিয়ে ঐটে দেব কি রকম দেখেনে ।
গালফোলা কাঁদো কেন ? দাঁতে বুঝি বেদনা ?
এস, এস, ঠুকে দেই—আর মিছে কেঁদো না ।
এই পাশে গোটা দুই, ওই পাশে তিনটে—
দাঁতগুলো টেনে দেখি—কোথা গেল চিমটে ?
ছেলে হও, বুড়ো হও, অন্ধ কি পঙ্গু,
মোর কাছে ভেদ নাই, কলেরা কি ডেঙ্গু—
কালাজ্বর, পালাজ্বর, পুরনো কি টাটকা,
হাতুড়ির একঘায়ে একেবারে আটকা !

বিদঘুটে জানোয়ার কিমাকার কিম্বুত,
সারাদিন ধ'রে তার শুনি শুধু খুঁত খুঁত ।
মাঠপারে ঘাটপারে কেঁদে মরে খালি সে,
ঘ্যান্ ঘ্যান্ আব্দারে ঘন ঘন নালিশে ।
এটা চাই সেটা চাই কত তার বায়না—
কি যে চায় তাও ছাই বোঝা কিছু যায় না ।
কোকিলের মতো তার কণ্ঠেতে সুর চাই,
গলা শুনে আপনার, বলে, 'উহু, দূর ছাই !'
আকাশেতে উড়ে যেতে পাখিদের মানা নেই,
তাই দেখে মরে কেঁদে— তার কেন ডানা নেই।
হাতিটার কী বাহার দাঁতে আর শুণ্ডে—
ও-রকম জুড়ে তার দিতে হবে মুণ্ডে !
ক্যাঙ্গারুর লাফ দেখে হয় তার হিংসে—
ঠ্যাং চাই আজ থেকে ঢ্যাংঢেঙে চিম্বে !
সিংহের কেশরের মতো তার তেজ কই ?
পিছে খাসা গোসাপের খাঁজকাটা লেজ কই ?
একলা সে সব হ'লে মেটে তার প্যাখনা ;
যারে পায় তারে বলে, 'মোর দশা দেখনা !'

কেঁদে কেঁদে শেষটায়—আষাঢ়ের বাইশে
হ'ল বিনা চেষ্টায় চেয়েছে যা তাই সে ।
ভুলে গিয়ে কাঁদাকাটি আহ্লাদে আবেশে
চুপি চুপি একলাটি ব'সে ব'সে ভাবে সে—
লাফ দিয়ে হুশ্ করে হাতি কভু নাচে কি ?
কলাগাছ খেলে পরে ক্যাঙ্গারুটা বাঁচে কি ?
ভোঁতামুখে কুহুডাক শুনে লোকে ক'বে কি ?
এই দেহে শুঁড়ো নাক খাপছাড়া হবে কি ?
বুড়ো হাতি ওড়ে ব'লে কেউ যদি গালি দেয় ?
কান টেনে ল্যাঙ্গ ম'লে 'দুয়ো' বলে তালি দেয় ?
কেউ যদি তেড়েমেড়ে বলে তার সামনেই—
'কোথাকার তুই কে রে, নাম নেই ধাম নেই ?'
জবাব কি দেবে ছাই, আছে কিছু বলবার ?
কাঁচুমাচু ব'সে তাই, মনে শুধু তোলপাড়—
'নই ঘোড়া, নই হাতি, নই সাপ বিচ্ছু,
মৌমাছি প্রজাপতি নই আমি কিছু ।
মাছ ব্যাং গাছপাতা জলমাটি ঢেউ নই,
নই জুতো, নই ছাতা, আমি তবে কেউ নই !'

কিম্বুত!



চোরবুকা

আরে ছি ছি ! রাম রাম ! ব'লো নাহে ব'লো না,
চলছে যা জুয়াচুরি, নাহি তার তুলনা ।
যেই আমি দেই ঘুম টিফিনের আগেতে,
ভয়ানক ক'মে যায় খাবারের ভাগেতে ।
রোজ দেখি খেয়ে গেছে, জানিনাকো কারা সে,
কালকে যা হ'য়ে গেল ডাকাতির বাড়া সে !
পাঁচখানা কাটলেট, লুচি তিন গুণ্ডা,
গোটা দুই জিবে গজা, গুটি দুই মগুণ্ডা,
আরো কত ছিল পাতে আলুভাজা ঘুঙনি—
ঘুম থেকে উঠে দেখি পাতাখানা শূন্য !

তাই আজ ক্ষেপে গেছি—কত আর পারব ?
এতদিন স'য়ে স'য়ে এইবারে মারব ।
খাড়া আছি সারাদিন হুঁশিয়ার পাহারা,
দেখে নেব রোজ রোজ খেয়ে যায় কাহারো ।
রামু হও, দামু হও, ও-পাড়ার ঘোষ বোস্—
যেই হও, এইবারে থেমে যাবে ফৌস্ফৌস্ ।
খাটবে না জারিজুরি আটবে না মারপ্যাচ ।
যারে পাব ঘাড়ে ধ'রে কেটে দেব ঘ্যাচ্ঘ্যাচ্ ।
এই দেখ ঢাল নিয়ে খাড়া আছি আড়ালে,
এইবারে টের পাবে মুণ্ডুটা বাড়ালে ।

রোজ বলি 'সাবধান !' কানে তবু যায় না ?
ঠেলাখানা বুঝি তো এইবারে আয় না !



ভালবৈ ভাল !

দাদা গো ! দেখছি ভেবে অনেক দূর—

এই দুনিয়ার সকল ভাল,
আসল ভাল নকল ভাল,
সস্তা ভাল দামীও ভাল,
তুমিও ভাল আমিও ভাল,
হেথায় গানের ছন্দ ভাল,
হেথায় ফুলের গন্ধ ভাল,
মেঘ-মাখানো আকাশ ভাল,
ঢেউ জাগানো বাতাস ভাল,
গ্রীষ্ম ভাল বর্ষা ভাল,
ময়লা ভাল ফর্সা ভাল,
পোলাও ভাল কোর্মা ভাল,



মাছ পটোলের দোলমা ভাল,
কাঁচাও ভাল পাকাও ভাল,
সোজাও ভাল বাঁকাও ভাল,
কাঁসিও ভাল ঢাকও ভাল,
টিকিও ভাল ঢাকও ভাল,
ঠেলার গাড়ী ঠেলতে ভাল,
খাস্তা লুচি বেলতে ভাল,
গিট্‌কিরি গান শুনতে ভাল,
শিমুল তুলো ধুন্তে ভাল,
ঠাণ্ডা জলে নাইতে ভাল,
কিন্তু সবার চাইতে ভাল—
পাঁউরুটি আর ঝোলা গুড় ।

শুন্ছ দাদা ! ঐ যে হোথায় বদ্যি বুড়ো থাকে,
সে নাকি রোজ খাবার সময় হাত দিয়ে ভাত মাখে ?
শুন্ছ নাকি খিদেও পায় সারাদিন না খেলে ?
চক্ষু নাকি আপনি বোজে ঘুমটি তেমন পেলে ?
চলতে গেলে ঠ্যাং নাকি তার ভুঁয়ের পরে ঠেকে ?
কান দিয়ে সব শোনে নাকি ? চোখ দিয়ে সব দেখে ?
শোয় নাকি সে মুণ্ডটাকে শিয়র পানে দিয়ে ?
হয় কি না হয় সত্যি মিথ্যা চল না দেখি গিয়ে ?

এক কোণ

বাবুরাম সাপুড়ে

বাবুরাম সাপুড়ে,
আয় বাবা দেখে যা,
যে সাপের চোখ নেই,
ছোটো না কি হাঁটে না,
করে নাকো ফাঁস ফাঁস,
নেই কোনো উৎপাত,
সেই সাপ জ্যান্ত,
তেড়ে মেরে ডাঙা

কোথা যাস বাপুরে ?
দুটো সাপ রেখে যা—
শিং নেই, নোখ নেই,
কাউকে যে কাটে না,
মারে নাকো টুশ্‌টাশ,
খায় শুধু দুধ ভাত,
গোটা দুই আন্‌ত !
ক'রে দিই ঠাঙা ।



বোম্বাগডের রাজা

কেউ কি জান সদাই কেন বোম্বাগডের রাজা
ছবির ফ্রেমে বাঁধিয়ে রাখে আমসত্ত ভাজা ?
রানীর মাথায় অষ্ট প্রহর কেন বালিশ বাঁধা ?
পাঁউরুটিতে পেরেক ঠোকে কেন রানীর দাদা ?
কেন সেথায় সর্দি হ'লে ডিগ্বাজি খায় লোকে ?
জোছনা রাতে সবাই কেন আলতা মাথায় চোখে ?
ওস্তাদের লেপ মুড়ি দেয় কেন মাথায় ঘাড়ে ?
টাকের'পরে পণ্ডিতেরা ডাকের টিকিট মারে ?



রাত্রে কেন ট্যাক্সিডিটা ডুবিয়ে রাখে ঘিয়ে ?
কেন রাজার বিছনা পাতা শিরীষ কাগজ দিয়ে ?
সভায় কেন চাঁচায় রাজা 'হুঙ্কা হুয়া' ব'লে ?
মন্ত্রী কেন কলসী বাজায় ব'সে রাজার কোলে ?
সিংহাসনে ঝোলায় কেন ভাঙা বোতল শিশি ?
কুমড়ো দিয়ে ক্রিকেট খেলে কেন রাজার পিসি ?
রাজার খুড়ো নাচেন কেন হুঁকোর মালা প'রে ?
এমন কেন ঘটছে তা কেউ বলতে পার মোরে ?

ঠাস্ ঠাস্ দ্রম্ দ্রাম্, শুনে লাগে খট্কা
 ফুল ফোটে ? তাই বল ! আমি ভাবি পট্কা !
 শাঁই শাঁই পনপন্ ভয়ে কান্ বন্ধ—
 ওই বুঝি ছুটে যায় সে-ফুলের গন্ধ ?
 হুড়মুড় ধুপ্ধাপ—ওকি শুনি ভাই রে !
 দেখ্ছো না হিম পড়ে—যেওনাকো বাইরে !
 চুপ চুপ ঐ শোন্ ! বুপ্ ঝাপ্ ঝা—পাস !
 চাঁদ বুঝি ডুবে গেল ?—গব্ গব্ গ—বাস !
 খ্যাশ্ খ্যাশ্ ঘ্যাচ্ ঘ্যাচ্, রাত কাটে ঐ রে !
 দুড্ দাড্ চুরমার—ঘুম ভাঙে কই রে !
 ঘর্ ঘর্ ভন্ ভন্ ঘোরে কত চিন্তা !
 কত মন নাচে শোন্—ধেই ধেই ধিন্তা !
 ঠুং ঠুং ঢং ঢং, কত ব্যথা বাজে রে—
 ফট্ ফট্ বুক ফাটে তাই মাঝে মাঝে রে !
 হেই হেই মার্ মার্ 'বাপ্ বাপ্' চীৎকার—
 মালকোঁচা মারে বুঝি ? সরে পড় এইবার !



রোদে রাঙা ইটের পাজা তার উপরে বসল রাজা—

ঠোঙাভরা বাদাম ভাজা খাচ্ছে কিন্তু গিলছে না ।

গায়ে আঁটা গরম জামা পুড়ে পিঠ হচ্ছে ঝামা ;

রাজা বলে, “বৃষ্টি নামা—নইলে কিছু মিলছে না ।”

থাকে সারা দুপুর ধ’রে ব’সে ব’সে চুপটি ক’রে,

হাঁড়িপানা মুখটি ক’রে আক্কেড়ে ধ’রে শ্লেটটুকু ;

যেমে যেমে উঠছে ভিজে ভ্যাবাচ্যাকা একলা নিজে,

হিজিবিজি লিখছে কি যে বুঝছে না কেউ একটুকু ।

ঝাঁঝা রোদ আকাশ জুড়ে, মাথাটার ঝাঁঝরা ফুঁড়ে,

মগজেতে নাচছে ঘুরে রক্তগুলো ঝনর্ ঝনর্ ;

ঠাঠা-পড়া দুপুর দিনে, রাজা বলে, “আর বাঁচিনে,

ছুটে আন্ বরফ কিনে ক’চ্ছে কেমন গা ছনছন ।”

সবে বলে, “হায় কি হল ! রাজা বুঝি ভেবেই মোলো !

ওগো রাজা মুখটি খোল—কওনা ইহার কারণ কি ?

রাঙামুখ পান্সে যেন তেলে ভাজা আমসি হেন,

রাজা এত ঘামছে কেন—শুনতে মোদের বারণ কি ?”

মেডা
বেলতন্মায়
যায়
কবার?





রাজা বলে, “কেইবা শোনে যে কথাটা ঘুরছে মনে,
 মগজের নানান্ কোণে—আনছি টেনে বাইরে তায়,
 সে কথাটা বলছি শোন, যতই ভাব যতই গোণ,
 নাই তার জবাব কোনো কূলকিনারা নাইরে হায় !
 লেখা আছে পুঁথির পাতে, ‘নেড়া যায় বেলতলাতে,’
 নাই কোনো সন্দ তাতে—কিন্তু প্রশ্ন ‘কবার যায় ?’
 এ কথাটা এদিনেও পারোনিকো বুঝতে কেউ,
 লেখেনিকো পুস্তকেও, দিচ্ছে না কেউ জবাব তায় ।
 লাখোবার যায় যদি সে যাওয়া তার ঠেকায় কিসে ?
 ভেবে তাই পাইনে দিশে নাই কি কিছু উপায় তার ?”
 এ কথাটা যেমনি বলা রোগা এক ভিস্তিওলা
 টিপ্ ক’রে বাড়িয়ে গলা প্রণাম করল দু’পায় তার ।
 হেসে বলে, “আজ্ঞে সে কি ? এতে আর গোল হবে কি ?
 নেড়াকে তো নিত্য দেখি আপন চোখে পরিষ্কার—
 আমাদেরি বেলতলা সে নেড়া সেথা খেলতে আসে
 হরে দরে হয়তো মাসে নিদেন পক্ষে পঁচিশ বার ।”

কুখ্যাত

ও শ্যামাদাস ! আয় তো দেখি, বোস তো দেখি এখানে,
সেই কথাটা বুঝিয়ে দেব পাঁচ মিনিটে, দেখে নে ।
জ্বর হয়েছে ? মিথ্যে কথা ! ওসব তোদের চালাকি—
এই যে বাবা চঁচাচ্ছিলি, শুনতে পাইনি ? কালা কি ?
মামার ব্যামো ? বদ্যি ডাকবি ? ডাকিস না হয় বিকেলে
না হয় আমি বাৎলে দেব বাঁচবে মামা কি খেলে !
আজকে তোকে সেই কথাটা বোঝাবই বোঝাব—
না বুঝবি তো মগজে তোর গজাল মেরে গাঁজাব ।
কোন কথাটা ? তাও ভুলেছিস্ ? ছেড়ে দিছিস্ হাওয়াতে ?
কি বলছিলেম পরশু রাতে বিষ্ণু বোসের দাওয়াতে ?
ভুলিসনি তা বেশ করেছিস্, আবার শুনলে ক্ষেতি কি ?
বড় যে তুই পালিয়ে বেড়াস্ ; মাড়াসনে যে এদিক্ই !
বলছি দাঁড়া, ব্যস্ত কেন ? বোস তাহলে নিচুতেই—
আজকালের এই ছোক্রাগুলোর তর্ সয়না কিছুতেই ।
আবার দেখ ! বসলি কেন ? বইগুলো আন্ নামিয়ে—
তুই থাকতে মুটের বোঝা বইতে যাব আমি এ ?
সাবধানে আন্, ধরছি দাঁড়া—সেই আমাকেই ঘামালি,
এই খেয়েছে ! কোন আক্কেলে শব্দকোষটা নামালি ?
ঢের হয়েছে ! আয় দেখি তুই বোস তো দেখি এদিকে—
ওরে গোপাল গোটাকয়েক পান দিতে বল্ খেঁদিকে ।



বলা

বলছিলাম কি, বস্তুপিণ্ড সূক্ষ্ম হতে স্থূলেতে,
অর্থাৎ কিনা লাগছে ঠেলা পঞ্চভূতের মূলেতে—
গোড়ায় তবে দেখতে হবে কোথেকে আর কি ক'রে,
রস জমে এই প্রপঞ্চময় বিশ্বতরুর শিকড়ে ।
অর্থাৎ কিনা, এই মনে কর্ রোদ পড়েছে ঘাসেতে,
এই মনে কর্, চাঁদের আলো পড়লো তারি পাশেতে—
আবার দেখ ! এরই মধ্যে হাই তোলবার মানে কি ?
আকাশপানে তাকাস্ খালি, যাচ্ছে কথা কানে কি ?
কি বল্লি তুই ? এ সব শুধু আবোল তাবোল বকুনি ?
বুঝতে হলে মগজ লাগে, বলেছিলাম তখুনি ।
মগজভরা গোবর তোদের হচ্ছে ঘুঁটে শুকিয়ে,
যায় কি দেওয়া কোনো কথা তার ভিতরে ঢুকিয়ে ?—
ও শ্যামাদাস ! উঠলি কেন ? কেবল যে চাস্ পালাতে
না শুনবি তো মিথ্যে সবাই আসিস্ কেন জ্বালাতে ?
তত্ত্বকথা যায় না কানে যতই মরি চৈঁচিয়ে—
ইচ্ছে করে ডানপিটাদের কান ম'লে দি পৈঁচিয়ে ।



ঝঁকো মুখো হাংলা


ঝঁকোমুখো হাংলা বাড়ী তার বাংলা
মুখে তার হাসি নাই দেখেছ ?
নাই তার মানে কি ? কেউ তাহা জানে কি ?
কেউ কভু তার কাছে থেকেছ ?

শ্যামাদাস মামা তার আফিঙের থানাদার,
আর তার কেউ নাই এ-ছাড়া—
তাই বুঝি একা সে মুখখানা ফ্যাকাশে,
ব'সে আছে কাঁদ-কাঁদ বেচারী ?

থপ্ থপ্ পায়ে সে নাচত যে আয়েসে,
গালভরা ছিল তার ফুর্তি,
গাইতো সে সারাদিন 'সারে গামা টিম্‌টিম্'
আহ্লাদে গদ-গদ মূর্তি ।

এই তো সে দুপুরে বসে ওই উপরে,
খাচ্ছিল কাঁচকলা চট্‌কে—
এর মাঝে হল কি ? মামা তার মোলো কি ?
অথবা কি ঠ্যাং গেল মট্‌কে ?





ইঁকোমুখো হেঁকে কয়, “আরে দূর, তা তো নয়,
দেখছ না কি রকম চিন্তা ?
মাছি মারা ফন্দি এ যত ভাবি মন দিয়ে—
ভেবে ভেবে কেটে যায় দিনটা ।

বসে যদি ডাইনে, লেখে মোর আইনে—
এই ল্যাঙ্গে মাছি মারি ত্রস্ত ;
বামে যদি বসে তাও, নহি আমি পিছপাও,
এই ল্যাঙ্গে আছে তার অস্ত্র ।

যদি দেখি কোনো পাজি বসে ঠিক মাঝামাঝি
কি যে করি ভেবে নাহি পাই রে—
ভেবে দেখি একি দায় কোন্ ল্যাঙ্গে মারি তায়,
দুটি বই ল্যাজ মোর নাই রে !”

শিব ঠাকুরের আপন দেশে,
আইন কানুন সর্বনেশে !
কেউ যদি যায় পিছলে প'ড়ে
প্যায়দা এসে পাক্ড়ে ধরে,
কাজির কাছে হয় বিচার—
একশ টাকা দণ্ড তার ॥

সেথায় সন্ধ্যে ছ'টার আগে,
হাঁচতে হ'লে টিকিট লাগে ;
হাঁচলে পরে বিন্‌টিকিটে—
দম্‌দমাদম্‌ লাগায় পিঠে,
কোটাল এসে নস্যি ঝাড়ে—
একশ দফা হাঁচিয়ে মারে ॥

কারুর যদি দাঁতটি নড়ে,
চারটি টাকা মাশুল ধরে,
কারুর যদি গৌফ গজায়,
একশো আনা ট্যাক্স চায়—
খুঁচিয়ে পিঠে গুঁজিয়ে ঘাড়,
সেলাম ঠোকায় একশ বার ॥



একশে আইন

চলতে গিয়ে কেউ যদি চায়,
এদিক ওদিক ডাইনে বাঁয়,
রাজার কাছে খবর ছোটো,
পল্টনেরা লাফিয়ে ওঠে,
দুপুর রোদে ঘামিয়ে তায়
একশ হাতা জল গেলায় ॥

যে সব লোকে পদ্য লেখে,
তাদের ধ'রে খাঁচায় রেখে,
কানের কাছে নানান সুরে,
নামতা শোনায়ে একশো উড়ে,
সামনে রেখে মুদীর খাতা
হিসেব কষায় একশ পাতা ।

হঠাৎ সেথায় রাত দুপুরে,
নাক ডাকালে ঘুমের ঘোরে,
অম্নি তেড়ে মাথায় ঘষে,
গোবর গুলে বেলের কষে,
একশটি পাক ঘুরিয়ে তাকে
একশ ঘণ্টা ঝুলিয়ে রাখে ॥

দাঁড়ে দাঁড়ে দ্রুম্!

ছুটছে মটর ঘটর ঘটর ছুটছে গাড়ী জুড়ি,
ছুটছে লোকে নানান্ ঝোঁকে করছে হড়োহড়ি;
ছুটছে কত ক্ষ্যাপার মতো পড়ছে কত চাপা,
সাহেবমেমে থমকে থেমে বলছে, ‘মামা পাপা !’
আমরা তবু তবলা ঠুকে গাচ্ছি কেমন তেড়ে
“দাঁড়ে দাঁড়ে দ্রুম্ ! দেড়ে দেড়ে দেড়ে !”
বর্ষাকালে বৃষ্টিবাদল রাস্তা জুড়ে কাদা,
ঠাণ্ডা রাতে সর্দিবাতের মরবি কেন দাদা ?
হোক না সকাল হোক না বিকাল
হোক না দুপুর বেলা,
থাক না তোমার আপিস যাওয়া
থাক না কাজের ঠেলা—
এই দেখ না চাঁদনি রাতের গান এনেছি কেড়ে,
“দাঁড়ে দাঁড়ে দ্রুম্ ! দেড়ে দেড়ে দেড়ে !”



মুখ্য যারা হচ্ছে সারা পড়ছে ব'সে একা,
কেউবা দেখ কাঁচুর মাচুর


কেউ বা ভ্যাবাচ্যাকা ।

কেউ বা ভেবে হৃদ হল, মুখটি যেন কালি
কেউ বা ব'সে বোকার মতো মুণ্ড নাড়ে খালি ।
তার চেয়ে ভাই, ভাবনা ভুলে গাওনা গলা ছেড়ে,
“দাঁড়ে দাঁড়ে দ্রুম্ ! দেড়ে দেড়ে দেড়ে !”
বেজার হয়ে যে যার মতো করছ সময় নষ্ট,
হাঁটছ কত খাটছ কত পাচ্ছ কত কষ্ট !
আসল কথা বুঝছ না যে, করছ না যে চিন্তা,
শুনছ না যে গানের মাঝে তবলা বাজে ধিন্তা ?
পাল্লা ধরে গায়ের জোরে গিটকিরি দাও ঝোড়ে,
“দাঁড়ে দাঁড়ে দ্রুম্ ! দেড়ে দেড়ে দেড়ে !”

পাল্প বলা


“এক যে রাজা”—“থাম্ না দাদা,
রাজা নয় সে, রাজ পেয়াদা ।”
“তার যে মাতুল”—“মাতুল কি সে ?—
সবাই জানে সে তার পিশে ।”
“তার ছিল এক ছাগল ছানা”—
“ছাগলের কি গজায় ডানা ?”
“একদিন তার ছাতের ’পরে”—
“ছাত কোথা হে টিনের ঘরে ?”
“বাগানের এক উড়ে মালী”—
“মালী নয়তো ! মেহের আলী ।”
“মনের সাথে গাইছে বেহাগ”—
“বেহাগ তো নয় ! বসন্ত রাগ ।”

“থও না বাপু ঘ্যাঁচা ঘেঁচি”—
“আচ্ছা বল, চুপ করেছি ।”
“এমন সময় বিছানা ছেড়ে,
হঠাৎ মামা আসল তেড়ে,
ধরল সে তার ঝুঁটির গোড়া”—
“কোথায় ঝুঁটি ? টাক যে ভরা ।”
“হোক না টেকো তোর তাতে কি ?
লক্ষ্মীছাড়া মুখ্য টেকি !
ধরব ঠেসে টুটির ’পরে,
পিটব তোমার মুণ্ডু ধ’রে—
কথার উপর কেবল কথা,
এখন বাপু পালাও কোথা ?”




“হ্যারে হ্যারে, তুই নাকি কাল শাদাকে বল্ছিলি লাল ?
 (আর) সেদিন নাকি রাত্রি জুড়ে নাক ডেকেছিস বিশ্রী সুরে ?
 (আর) তোদের পোষা বেড়ালগুলো শুনছি নাকি বেজায় হলো ?
 (আর) এই যে শুনি তোদের বাড়ি কেউ নাকি রাখে না দাড়ি ?
 ক্যান্‌রে ব্যাটা ইসটুপিড ? ঠেঙিয়ে তোরে করব টিট্ !”
 “চোপরাও তুম্ স্পিকটি নট্, মার্ব রেগে পটাপট—”
 “ফের যদি টেরাবি চোখ কিস্বা আবার করবি রোখ,
 কিস্বা যদি অম্নি করে মিথ্যেমিথ্যে চ্যাচাস জোরে—”
 “আই ডোন্ট কেয়ার্ কানাকড়ি—জানিস্ আমি স্যাভো করি ?”
 “ফের লাফাচ্ছিস্ অল্‌রাইট্ কামেন্ ফাইট্ ! কামেন্ ফাইট্ !”
 “ঘুঘু দেখেছ, ফাঁদ দেখনি, টেরটা পাবে আজ এখনি !
 আজকে যদি থাকত মামা পিটিয়ে তোমায় করত্ ঝামা !—”
 “আরে আরে ! মার্বি নাকি ? দাঁড়া একটা পুলিশ ডাকি !”
 “হাঁহাঁহাঁ ! রাগ কোর না, করতে চাও কি তাই বল না !”
 “হাঁ হাঁ তা তো সত্যি বটেই আমি তো চটিনি মোটেই !
 মিথ্যে কেন লড়তে যাবি ? ভেরি-ভেরি সরি, মসলা খাবি ?”
 “‘শেক্‌হ্যান্ড’ আর ‘দাদা’ বল সব শোধ-বোধ ঘরে চল ॥”
 “ডোন্ট পরোয়া অল্‌ রাইট্ হাউ ডু যু ডু গুড্ নাইট্ ।”

নারদ!
 নারদ!



কি মুস্তফিজ!

সব লিখেছে এই কেতাবে দুনিয়ার সব খবর যত,
সরকারী সব অফিসখানার কোন্ সাহেবের কদর কত ।
কেমন ক'রে চাটনি বানায়, কেমন ক'রে পোলাও করে,
হরেক রকম মুষ্টিযোগের বিধান লিখেছে ফলাও ক'রে,
সাবান কালি দাঁতের মাজন বানাবার সব কায়দা কেতা,
পূজা পার্বণ তিথির হিসাব শ্রাদ্ধবিধি লিখেছে হেথা ।
সব লিখেছে, কেবল দেখ পাচ্ছিনেকো লেখা কোথায়—
পাগলা ঝাড়ে করলে তাড়া কেমন ক'রে ঠেকাব তায় !



ডানপিটে

বাপরে কি ডানপিটে ছেলে !
কোন্ দিন ফাঁসি যাবে নয় যাবে জেলে ।
একটা সে ভূত সেজে আটা মেখে মুখে,
ঠাই ঠাই শিশি ভাঙে প্লেট দিয়ে ঠুকে !
অন্যটি হামা দিয়ে আলমারি চড়ে,
খাট থেকে রাগ ক'রে দুমদাম্ পড়ে ।

বাপরে কি ডানপিটে ছেলে !
শিলনোড়া খেতে চায় দুধভাত ফেলে !
একটার দাঁত নেই, জিভ দিয়ে ঘ'ষে,
একমনে মোমবাতি দেশলাই চোষে !



আরজন ঘরময় নীল কালি গুলে,
কপ্ কপ্ মাছি ধ'রে মুখে দেয় তুলে !
বাপরে কি ডানপিটে ছেলে !
খুন হ'ত টম্ চাচা ওই রুটি খেলে !
সন্দেহে শুঁকে বুড়ো মুখে নাহি তোলে,
রেগে তাই দুই ভাই ফোঁস্ ফোঁস্ ফোলে ।
নেড়াচুল খাড়া হয়ে রাঙা হয় রাগে,
বাপ বাপ ব'লে চাচা লাফ দিয়ে ভাগে ।

আহুদী

হাসছি মোরা হাসছি দেখ, হাসছি মোরা আহুদী,
তিনজনেতে জটলা ক'রে ফোকলা হাসির পালা দি ।
হাসতে হাসতে আসছে দাদা আসছি আমি আসছে ভাই,
হাসছি কেন কেউ জানে না, পাচ্ছে হাসি হাসছি তাই ।
ভাবছি মনে, হাসছি কেন ? থাকব হাসি ত্যাগ ক'রে,
ভাবতে গিয়ে ফিকফিকিয়ে ফেলছি হেসে ফ্যাক্ ক'রে ।
পাচ্ছে হাসি চাইতে গিয়ে, পাচ্ছে হাসি চোখ বুজে,
পাচ্ছে হাসি চিম্টি কেটে নাকের ভিতর নোখ গুঁজে ।
হাসছি দেখে চাঁদের কলা জোয়ার মাকু জেলের দাঁড়
নৌকা ফানুস পিপড়ে মানুষ রেলের গাড়ী তেলের ভাঁড় ॥
পড়তে গিয়ে ফেলছি হেসে 'ক খ গ' আর শ্লেট দেখে—
উঠছে হাসি ভস্ভসিয়ে সোডার মতন পেট থেকে ।

শোন শোন গল্প শোন, এক যে ছিল গরু,
এই আমার গল্প হল শুরু ।

যদু আর বংশীধর যমজ ভাই তারা,
এই আমার গল্প হল সারা ।



রাম গরুড়ের ছানা হাসতে তাদের মানা
হাসির কথা শুনলে বলে,
“হাসব না-না, না-না !”

সদাই মরে ত্রাসে— ঐ বুঝি কেউ হাসে !
এক চোখে তাই মিটমিটিয়ে
তাকায় আশেপাশে ।

ঘুম নেই তার চোখে আপনি ব'কে ব'কে
আপনারে কয়, “হাসিস যদি
মারব কিন্তু তোকে !”

যায় না বনের কাছে, কিম্বা গাছে গাছে,
দখিন হাওয়ার সুড়সুড়িতে
হাসিয়ে ফেলে পাছে !

রাম গরুড়ের ছানা

সোয়াস্তি নেই মনে— মেঘের কোণে কোণে
হাসির বাষ্প উঠছে ফেঁপে
কান পেতে তাই শোনে ।

ঝোপের ধারে ধারে রাতের অন্ধকারে
জোনাক জ্বলে আলোর তালে
হাসির ঠারে ঠারে ।

হাসতে হাসতে যারা হচ্ছে কেবল সারা,
রাম গরুড়ের লাগছে ব্যথা
বুঝছে না কি তারা ?

রাম গরুড়ের বাসা ধমক দিয়ে ঠাসা,
হাসির হাওয়া বন্ধ সেথায়,
নিষেধ সেথায় হাসা ।



পেলাম খেলা



পরশু রাতে পষ্ট চোখে দেখনু বিনা চশমাতে,
পান্তভূতের জ্যাস্ত ছানা করছে খেলা জোছনাতে ।
কচ্ছে খেলা মায়ের কোলে হাত পা নেড়ে উল্লাসে,
আহ্লাদেতে ধুপধুপিয়ে কচ্ছে কেমন হল্লা সে ।
শুনতে পেলাম ভূতের মায়ের মুচকি হাসি কটকটে—
দেখছে নেড়ে বুনটি ধ'রে বাচ্চা কেমন চটপটে ।
উঠছে তাদের হাসির হানা কাণ্ড সুরে ডাক ছেড়ে,
খ্যাশ্ খ্যাশানি শব্দে যেন করাত দিয়ে কাঠ চেরে !
যেমন খুশি মারছে ঘুঘি, দিচ্ছে কষে কানমলা,
আদর করে আছাড় মেরে শূন্যে ঝোলে চ্যাং দোলা ।
বলছে আবার, “আয়রে আমার নোংরামুখো স্টুকো রে,
দেখনা ফিরে প্যাখনা ধরে হতোম-হাসি মুখ করে !




ওরে আমার বাদর-নাচন আদর-গেলা কোঁতকা রে !
অন্ধবনের গন্ধ-গোকুল, ওরে আমার হোঁতকা রে !
ওরে আমার বাদলা রোদে জষ্টি মাসের বিষ্টি রে,
ওরে আমার হামান-ছেঁচা যষ্টিমধুর মিষ্টি রে ।
ওরে আমার রান্না হাঁড়ির কান্না হাসির ফোড়নদার,
ওরে আমার জোছনা হাওয়ার স্বপ্নঘোড়ার চড়নদার ।
ওরে আমার গোবরা গণেশ ময়দাঠাসা নাদুস্ রে,
ছিচকাদুনে ফোকলা মানিক, ফের যদি তুই কাদিস্ রে—”
এই না ব’লে যেই মেরেছে কাদার চাপটি ফট্ ক’রে,
কোথায় বা কি, ভূতের ফাঁকি—মিলিয়ে গেল চট্ ক’রে !

ও পাড়ার নন্দগোসাই, আমাদের নন্দ খুড়ো,
 স্বভাবেতে সরল সোজা অমায়িক শান্ত বুড়ো ।
 ছিল না তার অসুখ-বিসুখ ছিল সে যে মনের সুখে,
 দেখা যেত সদাই তারে হাঁকোহাতে হাস্যমুখে ।
 হঠাৎ কি তার খেয়াল হল, চল্ল সে তার হাত দেখাতে,
 ফিরে এল শুকনো সরু, ঠকাঠক কাঁপছে দাঁতে !
 শুধালে সে কয় না কথা, আকাশেতে রয় সে চেয়ে,
 মাঝে মাঝে শিউরে ওঠে, পড়ে জল চক্ষু বেয়ে ।
 শুনে লোক দৌড়ে এল, ছুটে এলেন বদ্যিমশাই,
 সবাই বলে, 'কাঁদছ কেন ? কি হয়েছে নন্দগোসাই ?'



হাত
 গমন



খুড়ো বলে, ‘বলব কি আর, হাতে আমার পষ্ট লেখা,
আমার ঘাড়ে আছেন শনি, ফাঁড়ায় ভরা আয়ুর রেখা ।
এতদিন যায়নি জানা ফিরছি কত গ্রহের ফেরে—
হঠাৎ আমার প্রাণটা গেলে তখন আমায় রাখবে কে রে ?
ষাটটা বছর পার হয়েছি বাপদাদাদের পুণ্যফলে—
ওরে তোদের নন্দ খুড়ো এবার বুঝি পটোল তোলে ।
কবে যে কি ঘটবে বিপদ কিছু হয় যায় না বলা—
এই ব’লে সে উঠল কেঁদে ছেড়ে ভীষণ উচ্চ গলা ।
দেখে এলাম আজ সকালে গিয়ে ওদের পাড়ার মুখো,
বুড়ো আছে নেই কো হাসি, হাতে তার নেই কো হুকো ।

গন্ধ বিচার


সিংহাসনে বসল রাজা বাজল কাঁসর ঘণ্টা,
ছটফটিয়ে উঠল কেঁপে মন্ত্রীবুড়োর মনটা ।
বললে রাজা, মন্ত্রী তোমার জামায় কেন গন্ধ ?
মন্ত্রী বলে, এসেছ দিছি—গন্ধ তো নয় মন্দ !
রাজা বলেন, মন্দ ভালো দেখুক শুঁকে বদ্যি,
বদ্যি বলে, আমার নাকে বেজায় হল সর্দি ।
রাজা হাঁকেন, বোলাও তবে, রাম নারায়ণ পাত্র,
পাত্র বলে, নস্যি নিলাম এঙ্কুনি এইমাত্র ।
নস্যি দিয়ে বন্ধ যে নাক গন্ধ কোথায় ঢুকবে ?
রাজা বলেন, কোটাল তবে এগিয়ে এস, শুঁকবে ।
কোটাল বলে, পান খেয়েছি মসলা তাতে কপূর,
গন্ধে তারি মুণ্ড আমার একেবারে ভরপুর ।
রাজা বলেন, আসুক তবে শের পালোয়ান ভীমসিং,
ভীম বলে, আজ কচ্ছে আমার সমস্ত গা ঝিম্ ঝিম্ ।
রাত্রে আমার বোখার হল বলছি হুজুর ঠিক বাৎ,
ব'লেই শুল রাজসভাতে চক্ষু বুজে চিৎপাত ।



রাজার শালা চন্দ্রকেতু তারেই ধ'রে শেষটা,
বল্ল রাজা, তুমিই না হয় কর না ভাই চেষ্টা ।
চন্দ্র বলেন, মারতে চাও তো ডাকাও নাকো জল্লাদ,
গন্ধ শূঁকে মরতে হবে এ আবার কি আহ্লাদ ?
ছিল হাজির বৃদ্ধ নাজির বয়সটি তার নব্বই,
ভাবল মনে, ভয় কেন আর একদিন তো মরবই ।
সাহস ক'রে বল্লে বুড়ো, মিথ্যে সবাই বকছিস,
শূঁকতে পারি হুকুম পেলে এবং পেলে বকশিশ ।
রাজা বলেন, হাজার টাকা ইনাম পাবে সদ্য,
তাই না শুনে উৎসাহেতে উঠল বুড়ো মদ ।
জামার পরে নাক ঠেকিয়ে—শূঁকল কত গন্ধ,
রইল অটল দেখল লোকে বিস্ময়ে বাক বন্ধ ।
রাজ্যে হল জয়-জয়কার বাজল কাঁসর ঢকা,
বাপরে কি তেজ বুড়োর হাড়ে পায় না সে যে অক্সা ?



হাজার গান



বিদ্যুটে রাত্তিরে ঘুটঘুটে ফাঁকা,
গাছপালা মিশ্‌মিশে মখমলে ঢাকা ।
জট্বাধা বুল কালো বটগাছতলে,
ধক্‌ধক্‌ জোনাকির চক্‌মকি জ্বলে ।
চুপচাপ চারিদিকে ঝোপ ঝাড়গুলো,
আয় ভাই গান গাই আয় ভাই হলো ।
গীত গাই কানে কানে চীৎকার ক'রে
কোন্‌ গানে মন ভেজে শোন্‌ বলি তোরে ।
পূবদিকে মাঝরাতে ছোপ্‌ দিয়ে রাঙা
রাতকানা চাঁদ ওঠে আধখানা ভাঙা ।
চট্‌ ক'রে মনে পড়ে মট্‌কার কাছে
মালপোয়া আধখানা কাল থেকে আছে ।
দুড়্‌ দুড়্‌ ছুটে যাই, দূর থেকে দেখি
প্রাণপণে ঠোট চাটে কানকাটা নেকী ।
গালফোলা মুখে তার মালপোয়া ঠাসা,
ধুক ক'রে নিভে গেল বুকভরা আশা !
মন বলে আর কেন সংসারে থাকি,
বিল্‌কুল্‌ সব দেখি ভেল্‌কির ফাঁকি ।
সব যেন বিচ্ছিরি সব যেন খালি,
গিন্নীর মুখ যেন চিম্নির কালি ।
মন-ভাঙা দুখ্‌ মোর কণ্ঠেতে পুরে
গান গাই আয় ভাই প্রাণফাটা সুরে ।

কাঁদুনে

ছিচ্কাঁদুনে মিচকে যারা সস্তা কেঁদে নাম কেনে,
ঘ্যাঙায় শুধু ঘ্যানর ঘ্যানর ঘ্যানঘ্যানে আর প্যানপ্যানে—
কুকিয়ে কাঁদে খিদের সময়, ফুঁপিয়ে কাঁদে ধম্কাতে,
কিন্সা হঠাৎ লাগলে ব্যথা, কিন্সা ভয়ে চম্কাতে ;
অল্পে হাসে অল্পে কাঁদে, কান্না থামায় অল্পেতেই ;
মায়ের আদর দুধের বোতল কিন্সা দিদির গল্পেতেই—
তারেই বলি মিথ্যে কাঁদন, আসল কান্না শুনবে কে ?
অবাক হবে থমকে রবে সেই কাঁদনের গুণ দেখে !
নন্দঘোষের পাশের বাড়ী বুথ সাহেবের বাচ্চাটার
কান্নাখানা শুনলে বলি কান্না বটে সাচ্চা তার ।
কাঁদবে না সে যখন তখন, রাখবে কেবল রাগ পুষে,
কাঁদবে যখন খেয়াল হবে খুন-কাঁদুনে রান্ধুসে !
নাইকো কারণ নাইকো বিচার মাঝরাতে কি ভোরবেল
হঠাৎ শুনি অর্থবিহীন আকাশ-ফাটন জোর গলা ।
হাঁকড়ে ছোট্ট কান্না যেমন জোয়ার বেগে নদীর বান,
বাপ মা বসেন হতাশ হয়ে শব্দ শুনে বধির কান ।
বাস্রে সে কি লোহার গলা ? এক মিনিটও শান্তি নেই ?
কাঁদন ঝরে শ্রাবণ ধারে, ক্ষান্ত দেবার নামটি নেই !
ঝমঝমি দাও পুতুল নাচাও, মিষ্টি খাওয়াও একশোবার,
বাতাস কর, চাপড়ে ধর, ফুটবে নাকো হাস্য তার ।
কান্নাভরে উল্টে পড়ে কান্না ঝরে নাক দিয়ে,
গিলতে চাহে দালানবাড়ী হাঁ'খানি তার হাঁক দিয়ে,
ভূত-ভাগানো শব্দে লোকে ত্রাহি ত্রাহি ডাক ছাড়ে
কান্না শুনে ধন্য বলি বুথ সাহেবের বাচ্চারে ।



ভয় পেয়ে না

ভয় পেয়ো না, ভয় পেয়ো না, তোমায় আমি মারব না—
সত্যি বলছি কুস্তি ক'রে তোমার সঙ্গে পারব না ।
মনটা আমার বড্ড নরম, হাড়ে আমার রাগটি নেই,
তোমায় আমি চিবিয়ে খাব এমন আমার সাধ্য নেই !
মাথায় আমার শিং দেখে ভাই ভয় পেয়েছ কতই না—
জানো না মোর মাথার ব্যারাম, কাউকে আমি গুঁতোই না ?
এস এস গর্তে এস, বাস ক'রে যাও চারটি দিন,
আদর ক'রে শিকেয় তুলে রাখব তোমায় রাত্রিদিন ।
হাতে আমার মুগুর আছে তাই কি হেথায় থাকবে না ?
মুগুর আমার হাল্কা এমন মারলে তোমায় লাগবে না ।
অভয় দিচ্ছি, শুনছ না যে ? ধরব নাকি ঠ্যাং দুটা ?
বসলে তোমার মুণ্ডু চেপে বুঝবে তখন কাণ্ডটা !
আমি আছি, গিন্নী আছেন, আছেন আমার নয় ছেলে—
সবাই মিলে কামড়ে দেব মিথ্যে অমন ভয় পেলে ।



ট্যাশ গরু

ট্যাশ গরু গরু নয়, আসলেতে পাখি সে ;
যার খুশি দেখে এস হারুদের আফিসে ।
চোখ দুটি ঢুলু ঢুলু, মুখখানা মস্ত,
ফিটফাট কালোচুলে টেরিকাটা চোস্তু ।
তিন-বাঁকা শিং তার, ল্যাজখানি প্যাঁচান—
একটুকু ছোঁও যদি, বাপ্পরে কি চ্যাঁচান !
লটখটে হাড়গোড় খটখট ন'ড়ে যায়,
ধমকালে ল্যাগ্‌ব্যাগ্‌ চমকিয়ে প'ড়ে যায় ।
বর্ণিতে রূপ গুণ সাধ্য কি কবিতার,
চেহারার কি বাহার—ঐ দেখ ছবি তার ।
ট্যাশ গরু খাবি খায় ঠ্যাস দিয়ে দেয়ালে,
মাঝে মাঝে কেঁদে ফেলে না জানি কি খেয়ালে ;

মাঝে মাঝে তেড়ে ওঠে, মাঝে মাঝে রেগে যায়,
মাঝে মাঝে কুপোকাং দাঁতে দাঁত লেগে যায় ।
খায় না সে দানাপানি—ঘাস পাতা বিচালি,
খায় না সে ছোলা ছাতু ময়দা কি পিঠালি ;
রুচি নাই আমিষেতে, রুচি নাই পায়সে,
সাবানের সুপ আর মোমবাতি খায় সে ।
আর কিছু খেলে তার কাশি ওঠে খক্ খক্
সারা গায়ে ঘিন্‌ঘিন্‌ ঠ্যাং কাঁপে ঠক্ ঠক্ ।
একদিন খেয়েছিল ন্যাকড়ার ফালি সে—
তিন মাস আধমরা শুয়েছিল বালিশে ।
কারো যদি শখ্‌ থাকে ট্যাশ গরু কিন্তে,
সস্তায় দিতে পারি, দেখ ভেবে চিন্তে ।





নোটবই

এই দেখ পেনসিল, নোটবুক এ-হাতে,
এই দেখ ভরা সব কিলবিল্ লেখাতে ।
ভালো কথা শুনি যেই চটপট লিখি তায়—
ফড়িঙের ক'টা ঠ্যাং, আরশুলা কি কি খায় ;
আঙুলেতে আটা দিলে কেন লাগে চটচট,
কাতুকুতু দিলে গরু কেন করে ছটফট ।
দেখে শিখে প'ড়ে শুনে ব'সে মাথা ঘামিয়ে
নিজে নিজে আগাগোড়া লিখে গেছি আমি এ ।
কান করে কট কট ফোড়া করে টন্টন্—
ওরে রামা ছুটে আয়, নিয়ে আয় লণ্ঠন ।
কাল থেকে মনে মোর লেগে আছে খটকা,
ঝোলাগুড় কিসে দেয় ? সাবান না পটকা ?
এই বেলা প্রশ্নটা লিখে রাখি গুছিয়ে,
জবাবটা জেনে নেব মেজদাকে খুঁচিয়ে ।
পেট কেন কামড়ায় বল দেখি পার কে ?
বল দেখি ঝাঁজ কেন জোয়ানের আরকে ?
তেজপাতে তেজ কেন ? ঝাল কেন লঙ্কায় ?
নাক কেন ডাকে আর পিলে কেন চমকায় ?
কার নাম দুন্দুভি ? কাকে বলে অরণি ?
বলবে কি, তোমরা তো নোটবই পড়নি ।

টিক'টিক'

আরে আরে জগমোহন—এস, এস, এস—
বলতে পার কোথায় থাকে আদ্যনাথের মেশো ?
আদ্যনাথের নাম শোননি ? খগেনকে তো চেন ?
শ্যাম বাগ্‌চি খগেনেরই মামাস্বশুর জেনো ।
শ্যামের জামাই কেষ্টমোহন, তার যে বাড়ীওলা—
(কি যেন নাম ভুলে গেছি), তারই মামার শালা ;
তারই পিশের খুড়তুতো ভাই আদ্যনাথের মেশো,
লক্ষ্মী দাদা ঠিকানা তার একটু জেনে এসো ।

ঠিকানা চাও ? বলছি শোন ; আমড়াতলার মোড়ে
তিন-মুখো তিন রাস্তা গেছে, তারি একটা ধ'রে
চলবে সিধে নাক বরাবর, ডানদিকে চোখ রেখে,
চলতে চলতে দেখবে শেষে রাস্তা গেছে বঁকে ;
দেখবে সেথায় ডাইনে বাঁয়ে পথ গিয়েছে কত,
তারি ভিতর ঘুরবে খানিক গোলোকধাঁধার মতো
তার পরেতে হঠাৎ বঁকে ডাইনে মোচড় মেরে,
ফিরবে আবার বাঁয়ের দিকে তিনটি গলি ছেড়ে ।
তবেই আবার পড়বে এসে আমড়াতলার মোড়ে,
তার পরে যাও যেথায় খুশি, জ্বালিয়ো নাকো মোরে !



আকাশের গায়ে কি বা রামধনু খেলে,
দেখে চেয়ে কত লোক সব কাজ ফেলে,
তাই দেখে খুঁতধরা বুড়ো কয় চটে,
দেখছ কি, এই রঙ পাকা নয় মোটে ॥

টপ্ টপ্ ঢাক ঢোল ভপ্ ভপ্ বাঁশি,
ঝন্ ঝন্ করতাল্ ঠন্ ঠন্ কাঁসি ।
ধুমধাম বাপ্ বাপ্ ভয়ে ভ্যাবা চ্যাকা,
বাবুদের ছেলেটার দাঁত গেছে দেখা ॥

পাত

খেলার ছলে ষষ্ঠিচরণ হাতি লোফেন যখন তখন,
দেহের ওজন উনিশটি মণ, শক্ত যেন লোহার গঠন ।
একদিন এক গুপ্তা তাকে বাঁশ বাগিয়ে মার্ল বেগে—
ভাঙল সে-বাঁশ শোলার মতো মট্ ক'রে তার কনুই লেগে ॥
এই তো সেদিন রাস্তা দিয়ে চলতে গিয়ে দৈব বশে,
উপর থেকে প্রকাণ্ড ইঁট পড়ল তাহার মাথায় খ'সে ।
মুণ্ডতে তার যেমনি ঠেকা অমনি সে ইঁট এক নিমেষে,
গুঁড়িয়ে হ'ল ধুলোর মতো, ষষ্ঠি চলেন মুচ্কি হেসে ।
ষষ্ঠি যখন ধমক হাঁকে কাঁপতে থাকে দালান বাড়ী,
ফুঁয়ের জোরে পথের মোড়ে উল্টে পড়ে গরুর গাড়ী !
ধুমসো কাঠের তক্তা ছেঁড়ে মোচড় মেরে মুহূর্তেকে,
একশো জালা জল ঢালে রোজ স্নানের সময় পুকুর থেকে ॥



মাসি গো মাসি, পাচ্ছে হাসি
নিম গাছেতে হচ্ছে শিম—
হাতির মাথায় ব্যাঙের ছাতা
কাগের বাসায় বগের ডিম ॥

যান




সকাল বেলার জলপানি তার তিনটি ধামা পেস্তা মেওয়া,
সঙ্গেতে তার চৌদ্দ হাঁড়ি দৈ কি মালাই মুড়কি দেওয়া ।
দুপুর হলে খাবার আসে কাতার দিয়ে ডেক্‌চি ভ'রে,
বরফ দেওয়া উনিশ কুঁজো সরবতে তার তৃষ্ণা হরে ।
বিকাল বেলা খায় না কিছু গুণ্ডা দশেক মণ্ডা ছাড়া,
সন্ধ্যা হ'লে লাগায় তেড়ে দিস্তা দিস্তা লুচির তাড়া ।
রাতে সে তার হাত পা টেপায় দশটি চেলা মজুত থাকে,
দুম্‌দুম্‌দুম্‌ সবাই মিলে মুগুর দিয়ে পেটায় তাকে ।
বল্লে বেশি ভাববে শেষে এসব কথা ফেনিয়ে বলা—
দেখবে যদি আপন চোখে যাওনা কেন বেনিয়াটোলা ।

বল্‌ব কি ভাই হুগলি গেলুম,
বল্‌ছি তোমায় চুপি-চুপি—
দেখতে পেলাম তিনটে শুয়োর
মাথায় তাদের নেইকো টুপি ॥

বিজ্ঞান শিক্ষা

আয় তোর মুণ্ডুটা দেখি, আয় দেখি 'ফুটস্কোপ' দিয়ে,
দেখি কত ভেজালের মেকি আছে তোর মগজের ঘিয়ে ।
কোন দিকে বুদ্ধিটা খোলে, কোন দিকে থেকে যায় চাপা,
কতখানি ভস্ ভস্ ঘিলু, কতখানি ঠক্ঠকে ফাঁপা ।
মন তোর কোন দেশে থাকে, কেন তুই ভুলে যাস্ কথা—
আয় দেখি কোন ফাঁক দিয়ে, মগজেতে ফুটো তোর কোথা ।
টোল-খাওয়া ছাতাপড়া মাথা, ফাটা-মতো মনে হয় যেন,
আয় দেখি বিশ্লেষ ক'রে—চোপরাও ভয় পাস্ কেন ?
কাৎ হয়ে কান ধ'রে দাঁড়া, জিভখানা উল্টিয়ে দেখা,
ভালো ক'রে বুঝে শুনে দেখি—বিজ্ঞানে যে-রকম লেখা ।
মুণ্ডুতে 'ম্যাগনেট' ফেলে, বাঁশ দিয়ে 'রিফ্লেক্ট' ক'রে,
ইট দিয়ে 'ভেলসিটি' ক'ষে, দেখি মাথা ঘোরে কি না ঘোরে ।



সামকি জেল!

দেখ বাবাজি দেখবি নাকি দেখরে খেলা দেখ চালাকি,
ভোজের বাজি ভেঙ্কি ফাঁকি পড় পড় পড়বি পাখি—ধপ্!

লাফ দি'য়ে তাই তালটি ঠুকে তাক ক'রে যাই তীর ধনুকে,
ছাড়ব সটান উর্ধ্বমুখে হুশ্ ক'রে তোর লাগবে বুকে—খপ্!

গুড় গুড় গুড় গুড়িয়ে হামা খাপ্ পেতেছেন গোষ্ঠ মামা,
এগিয়ে আছেন বাগিয়ে ধামা, এইবারে বাণ চিড়িয়া নামা—চট্!

ঐ যা! গেল ফস্কে যে সে—হেঁই মামা তুই ক্ষেপলি শেষে?
ঘ্যাচ ক'রে তোর পাঁজর ঘেঁষে লাগল কি বাণ ছিটকে এসে—ফট্?



অঙ্গনতরঙ্গ

মেঘ মলুকে ঝাপসা রাতে,
রামধনুকের আবছায়াতে,
তাল বেতালে খেয়াল সুরে,
তান ধরেছি কণ্ঠ পুরে ।
হেথায় নিষেধ নাইরে দাদা,
নাইরে বাঁধন নাইরে বাধা ।
হেথায় রঙিন আকাশতলে
স্বপ্ন দোলা হাওয়ায় দোলে
সুরের নেশার ঝরনা ছোটে,
আকাশ কুসুম আপনি ফোটে
রঙিয়ে আকাশ, রঙিয়ে মন
চমক জাগে ক্ষণে ক্ষণ ।
আজকে দাদা যাবার আগে
বল্‌ব যা মোর চিন্তে লাগে
নাই বা তাহার অর্থ হোক
নাই বা বুঝুক বেবাক লোক
আপনাকে আজ আপন হতে
ভাসিয়ে দিলাম খেয়াল শ্রোতে ।



ছুটলে কথা থামায় কে ?
আজকে ঠেকায় আমায় কে ?
আজকে আমার মনের মাঝে
ধাঁই ধপাধপ্‌ তবলা বাজে—
রাম-খটাখট্‌ ঘ্যাচাং ঘ্যাচ্
কথায় কাটে কথার প্যাচ্ ।
আলোয় কাটে অন্ধকার,
ঘণ্টা বাজে গন্ধে তার ।
গোপন প্রাণে স্বপন দূত,
মঞ্চে নাচেন পঞ্চ ভূত !
হ্যাংলা হাতী চ্যাং-দোলা,
শূন্যে তাদের ঠ্যাং তোলা ।
মক্ষিরানী পক্ষীরাজ—
দসি়া ছেলে লক্ষ্মী আজ ।
আদিম কালের চাঁদিম হিম,
তোড়ায় বাঁধা ঘোড়ার ডিম ।
ঘনিয়ে এল ঘুমের ঘোর,
গানের পালা সাজ মোর ।



